

# دايره سوده

بقلم :

محمود الفرماوى

فجأه لقتنى فى دايره سوده  
عمال الف حوالين نفسى  
مش عارف اخرج منها  
ايه السبب  
مش عارف  
دلونى ياناس انا مش عارف  
وفضلت الف لغايه متعبت  
وقعت افكر  
ايه هى الدايره السوده  
ليه وقعت فيها  
دايره كبيره ملهاش حدود  
كلها ضلمه فى ضلمه  
مش شايف منها حاجه  
ايه السبب  
مش عارف  
ورجعت الف الف  
لغايه ما وقعت  
مبقتش عارف انا اللى بلف  
ولا هى اللى بيا بتلف  
صدقونى ياناس  
انا مش عارف  
وسمعت صوت بينادى وبيقول  
فووق !!  
دى الدايره ديه  
توهانك فى الدنيا  
تايه فيها

بنلف حوالين نفسك  
وترجع تانى  
لنفس مكانك من الأول  
عائش وكأنتك مش عائش  
تايه دايمآ  
غريب بسؤالك  
انا فين ومين وليه؟  
فين أهدافك  
فين احلامك  
فين طموحاتك  
فين ده كله  
انت مش عارف  
وسؤال تانى  
بيدور فى ذهنك  
تتخلص من الداييره دى ازاي  
وترجع انسان من تانى  
خلى الإيمان والصبر  
سلاحك  
ودر عك شعاع الأمل  
علشان تبقى موجود  
علشان تبقى موجود